

ACTA DA XUNTA DE GOBERNO LOCAL
Sesión do 17 de agosto de 2016

ASISTENTES:

NON ASISTEN:

Membros :

D. Abel Caballero Álvarez
D. Cayetano Rodríguez Escudero.
D^a. Olga Alonso Suárez
D. Angel Rivas González.
D^a. M^a. Isaura Abelairas Rodríguez
D. Jaime Aneiros Pereira.

D^a M^a. Carmen Silva Rego
D. David Regades Fernández
D. Carlos López Font
M^a José Caride Estévez

Invitados

D. Javier Pardo Espiñeira
D. José Manuel Fernández Pérez
D^a. Angeles Marra Domínguez

Na Casa do Concello de Vigo, ás doce horas e cincuenta minutos do día dezasete de agosto de dous mil dezaseis e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Alonso Suárez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o secretario de Admón. Municipal, Sr. Lorenzo Penela, por ausencia da titular do órgano de apoio á Xunta de Goberno Local, e a interventora xeral acctal., Sra. Hernández Vidal.

A Xunta de Goberno Local adopta os seguintes acordos:

1(813).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(814).- PROPOSTA DE CLASIFICACIÓN E ADXUDICACIÓN DA CONTRATACIÓN DO ESPECTÁCULO “ORIGINAL BLUES BROTHERS BAND” NA PORTA DO SOL. EXPTE. 6575/335.

Examinadas as actuacións do expediente, visto o informe de fiscalización do 12.08.16, dáse conta do informe-proposta do 12.08.16, asinado pola xefa do Servizo de Contratación e a concelleira de Festas e Turismo, que di o seguinte:

LEXISLACIÓN APLICABLE

- Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).
- Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP) no que no se opoña ó Real Decreto Legislativo 3/2011.
- Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Legislativo 3/2011.
- Prego de cláusulas administrativas que rexerán o procedemento negociado sen publicidade para a contratación do espectáculo “ORIGINAL BLUES BROTHERS BAND” na Porta do Sol (PCAP).
- Prego de prescricións técnicas particulares que rexerán o procedemento negociado sen publicidade para a contratación do espectáculo “ORIGINAL BLUES BROTHERS BAND” na Porta do Sol (PPT).

ANTECEDENTES

Primeiro.- En sesión de 9 de agosto de 2016 a Xunta de Goberno Local adoptou o seguinte acordo:

“Primeiro.- Aprobar o expediente de contratación de prestación de servizos para actuación artística do espectáculo “ORIGINAL BLUES BROTHERS BAND” na Porta do Sol o día 20 de agosto (expte:6575/335), que contén o prego de prescricións técnicas particulares de data 22 de xullo de 2016, e o prego de prescricións administrativas particulares de data 29 de xullo de 2016.

Segundo .- Autorizar un gasto por importe total de 66.550,00 € co ivo incluído con cargo á aplicación orzamentaria 3380.226.09.06 “Festas de Vigo” do orzamento municipal vixente.

Terceiro.- Abrir un procedemento negociado sen publicidade, en base ao artigo 170.d) do TRLCAP por razóns de dereitos de exclusividade sobre o espectáculo proposto, coa empresa DALE A LA DANZA, S.L. CIF. B-85169589 como empresa autorizada en exclusiva para o espectáculo THE ORIGINAL BLUES BROTHERS o

día 20 de agosto de 2016 ás 23,00 horas, tal e como se recolle no escrito que se achega ao expediente.

Cuarto.- Autorizar a entrada libre e gratuita.

Quinto.- Que a mesa de contratación non interveña neste procedemento, ao ser potestativa a súa constitución segundo o artigo 320.1 do TRLCSP”.

Segundo.- En data 9 de agosto de 2016 o servizo de contratación cursou unha invitación para participar no citado procedemento á mercantil DALE A LA DANZA, S.L., titular dos dereitos de exclusiva de ORIGINAL BLUES BROTHERS BAND, concedéndolle un prazo de 5 días para a presentación da correspondente oferta.

Terceiro.- En data 12 de agosto de 2016 DALE A LA DANZA, S.L., presentou a súa oferta no Rexistro Xeral deste Concello, dentro do prazo concedido ó efecto.

Cuarto.- En data 12 de agosto de 2016, reunidas na oficina de contratación a xefa do servizo de Festas, Dna. Luz González Domínguez e a xefa do servizo de Contratación, Dna. Beatriz Barbará Rodríguez, se procedeu a apertura da oferta presentada polo licitador invitado a participar. En primeiro lugar se cualificou a documentación administrativa. Segundo consta na acta da sesión “Cualificada a documentación administrativa, e comprobado que esta é conforme co esixido nas cláusulas 7ª.2 e 9ª do Prego de cláusulas administrativas particulares (PCAP), se acorda a admitir a DALE A LA DANZA, S.L., no presente procedemento.”

A continuación se procedeu a apertura do “SOBRE B: PROPOSICIÓN TECNICA E ECONÓMICA”, dándosele traslado da documentación ó servizo xestor para comprobar se a proposta se axusta ós pregos que rexen a presente licitación e a procedencia ou non de adxudicar o contrato ó licitador, conforme ó disposto na cláusula 10ª do PCAP”.

Quinto.- En data 12 de agosto de 2016, en informe da xefa do servizo de Festas, se manifesta que “Revisada a documentación, informase que o “rider” técnico axústase ao estipulado no prego de prescricións técnicas particulares do expediente que recollen as necesidades da actuación do espectáculo “ORIGINAL BLUES BROTHERS BAND” e do seu equipo técnico e humano necesario para a realización do espectáculo.

En canto a proposta económica presentada por DALE A LA DANZA, S.L. CIF. B-85169589, o prezo ofertado axústase ao establecido na cláusula quinta das PCAP que fixa un prezo por un importe total de 66.550 € co iva incluído.”

Sexto.- En data 12 de agosto de 2016, o servizo de contratación comunicou ó licitador a admisión da súa oferta e iniciou a fase de negociación, concedéndolle un prazo de tres días para a reformulación da súa oferta ou a ratificación da mesma sendo o único aspecto obxecto de negociación o prezo do contrato, segundo a cláusula 10ª do PCAP.

Sétimo.- En data 12 de agosto de 2016, Dna. Carlota Carballal Ojea, en nome e representación de DALE A LA DANZA, S.L., representación que consta acreditada no expediente, se ratificou no prezo ofertado.

Oitavo.- En data 12 de agosto de 2016, a xefa do servizo de Festas, á vista do actuado, propón que o órgano de contratación realice a clasificación neste procedemento.

FUNDAMENTOS XURÍDICOS

Primeiro.- Unha vez valoradas as ofertas presentadas nun procedemento de contratación conforme os criterios de adxudicación sinalados no prego de cláusulas administrativas particulares (artigo 150 TRLCSP), o órgano de contratación clasificará, por orde decrecente, as proposicións presentadas e que non sexan declaradas desproporcionadas ou anormais conforme ó sinalado no artigo 152.

Segundo.- Clasificadas as ofertas por orden decrecente, o órgano de contratación requirirá ó licitador que presentou a oferta economicamente máis vantaxosa para que, dentro do prazo de dez días hábiles, a contar desde o seguinte a aquel en que recibise o requirimento, presente a documentación xustificativa de acharse ó corrente no cumprimento das súas obrigacións tributarias e coa Seguridade Social ou autorice ao órgano de contratación para obter de forma directa a acreditación, de dispoñer efectivamente dos medios que se comprometeu a dedicar ou adscribir á execución do contrato conforme e de constituír a garantía definitiva que sexa procedente.

No entanto, no presente caso non resulta preciso realizar este requirimento por canto o licitador xa presentou coa documentación persoal as certificacións acreditativas de acharse ó corrente das súas obrigas tributarias e coa seguridade social e neste procedemento non se esixe a constituición de garantía definitiva, a tenor do disposto na cláusula 13ª do PCAP. Así mesmo, o servizo de contratación solicitou de oficio o certificado de non ter débedas coa Administración municipal. Á vista destas circunstancias, procede realizar simultaneamente a clasificación e a adxudicación do presente contrato.

Terceiro.- O órgano de contratación ten a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarase no perfil de contratante (artigo 151.4 TRLCSP).

Con relación á motivación desta adxudicación nos remitimos ó informe da xefa do servizo de Festas, de data 12 de agosto de 2016, de valoración da oferta técnica e económica de DALE A LA DANZA, S.L., no que manifesta que esta se axusta ós pregos que rexen a presente licitación.

Recibida tanto a documentación presentada polo licitador como a solicitada de oficio pola administración municipal, e comprobado que esta é correcta, procede adxudicar o presente contrato.

Cuarto.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

“1º.- Clasificar, de acordo cos criterios de adxudicación sinalados no prego de cláusulas administrativas particulares, as proposicións admitidas no procedemento negociado sen publicidade para a contratación do espectáculo “ORIGINAL BLUES BROTHERS BAND” na Porta do Sol (expediente 6575-335) no seguinte orde decrecente:

1. DALE A LA DANZA, S.L.

2º.- Adxudicar a DALE A LA DANZA, S.L., o procedemento negociado sen publicidade para a contratación da actuación artística do espectáculo “ORIGINAL BLUES BROTHERS BAND” na Porta do Sol (expediente 6575-335) por un prezo total de 66.550 euros, sendo a cota correspondente o IVE de 11.550 euros.

Todo ilo de acordo coa oferta presentada e os pregos de prescricións técnicas e de cláusulas administrativas particulares que rexen a presente licitación”.

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás doce horas e cincuenta e cinco minutos. Como secretaria dou fé.

me.

O ALCALDE

A CONCELLEIRA-SECRETARIA
DA XUNTA DE GOBERNO LOCAL,

Abel Caballero Álvarez.

Olga Alonso Suárez.